

Книга жажы

Котькуд адямины аслазэз дуно

**Кемалась ик өвөл
Йёскалык библиоте-
каын ортчиз Светлана
Поторочиналэн «Раз-
ноцветье. Турлы буёло
улонэ» книгаеныз
(12+) тодматскон жыт.**

Удмурт но зуч лыдзись-ёслы Светлана Поторочина тодмо автор ини. Шаерысьтымы историкен, «Иднакар» наука журналлэн но издательстволэн кивалтисеныз Алексей Коробейниковен соос чош поттызы «Игры без игрушек», «Удм точка ру», «Классики», «Музон улон» но мукет бичетьёссэс. Но «Турлы буёло улонэ» книга быдэсак С. Поторочиналэн гинэ. Татчы пыремын солэн кылбурьёсыз, веросьёсыз, эссеосыз, тодэ ваёнтьёсыз но зуч, англи но француз кылэ берыктэм чурьёсыз. Автор верамья, бичетлэн котькуд люкетэз герзаскемын аслаз улонэныз но матысь адямиосыныз.

— Книгае пыризы школаын дышетскон вакытысь, пинал визьмын кылдэм кылбурьёсы но, берлоосыз но — улон шоры көня ке валась сингёсын учкыса пөрмемьёсыз. Вань темаос вылтйим погыльскыса



Светлана Поторочина виль книгаысьтыз кылбурьёссэ лыдзё.

усьтэмын, нылкышно лулпушкысь поттэмын. Кин ке, оло, чурьёсысьтым ассэ но ас улонзэ тодмалоз. Котькуд адямины аслазэз дуно. Дэрэм-а, нылпи-а, анай-атай-а, вордиськем инты-а — котьку асладэз мугорлы но лул сюлэмлы матынгес, тупамонгес, валамонгес но мусогес. Та сярэсь ик мон но верасько, — шуэ Светлана Поторочина.

Вераны кулэ, та жытэ книгаен гинэ тодматскон ойвал, татын тросэз асьсэлы усьтызы, луоз, удмурт сайкыт нылкышноез — Светлана Поторочинаез. Ужрад тужшуныг ортчиз, ваче вераськон, эрико кенешон, лужкемзэ шарае поттон выллем. Светлана Поторочина ачиз ик кылбурьёссэ лыдзиз. Со өз кышка, кин ке сое узвала шуыса, өз малпаськы,

курлалозы-а, ушгьялозы-а. Солэн котькуд кылаз, чуразматысь адямиоссэ, дорзэ, улонзэ, чеберлыкес яратон но дуньян шодьське.

С. Поторочиналэн творчествозлысь будэмзэ пусйыса но удмурт литератураез азинтэмез понна культура министр Владимир Соловьёв кылбурчиз сйлы кариз министерстволэн Данъян грамотаеныз. Светлана Поторочинаез асьсэлы виль сямен усьтызы но кылбурчильсь будэмзэ веразы педагогика наукаосья кандидат Светлана Ареева но филология наукаосья кандидат Александр Шкляев. Светлана Поторочиналэсь пөртэм өръёсын но жанрьёсын ужамзэ пусйиз филология наукаосья кандидат Виктор Шибанов:

— Та бичетья но адзиськом, Светлана кылбурьёс гинэ уг, веросьёс, эссеос но пьесаос гожъя, нылпиослы литература удысын тырше, кырзангёслы кыльёс кылдыгтя. Огаз веросаз дунне шоры воргоронлэн синмыныз но учке. Кылбурьёслэн тематиказы но паськыт: анай-атай, инкуазь, Инмар, яратон, улон сярэсь малпангёс, но

пусйымонгес луэ, мон сямен, граждан лирикаез. Вераны кулэ, бичетын бадзым инты басьтэ вуриськон тема. Бен, тросэз асьмелэн нылкышно кылбурчиосмы вуриськыны ярато, но Светлана Поторочина та ласянь нимысьгыз висьямон луэ. Сола валэктон сётэ, дыр, «Шудо дэрэм» верос-очерк, сое автор гожтйз, пересь песанайзэ буре вайыса. «Пишмымтэ вуриськысь» кылбураз автор мур малпаськонэ усе:

*Кин ке вандылэ,
Азыланьзэ малпатэк.
Кулээз мертатэк,
Токма юдылэ.
Курез сюбега.
Пөрме вурысо.
Трос пол мертаса,
Уг паськыта со.*

Светланалэн кылбуретзлэн эшшо одйгез кужмо палыз — строфикалэн, вылтус суредлэн турлы-турлы луэмез, со дыре ик автор ньыльчурлэсь но уг палэнскы. Котькуд гожтослэн аслаз тусыз, соин сэрэн куараез, гурез вань кадь, — шуиз Виктор Шибанов.